

第三五四冊

明倫彙編
氏族典

蕭姓部	船諸姓部	乾旋	專兼姓部	渭縣	鄭元	然鮮	權連	燕全	邊宣	田姓部	錢姓部
一五	一六	一七	一八	一九	二〇	二一	二二	二三	二四	二五	二六
蕭姓部	船諸姓部	乾旋	專兼姓部	渭縣	鄭元	然鮮	權連	燕全	邊宣	田姓部	錢姓部
一五	一六	一七	一八	一九	二〇	二一	二二	二三	二四	二五	二六

古今圖書集成

中華書局影印

古今圖書集成

中國書局影印



欽定古今圖書集成明倫彙編氏族典

第一百七十四卷目錄

錢姓部列傳二

宋

錢文敏	錢守俊
錢弘僎	錢弘僎
錢弘侔	錢弘侔
錢弘僊	錢弘僊
錢弘億	錢弘儀
錢弘僊	錢弘僊
錢僊	錢僊
錢若水	錢若冲
錢昱	錢郁
錢惟治	錢惟濬
錢惟演	錢惟濟
錢昆	錢易
錢昭序	錢昭度
錢延年	錢象先
錢丕	錢守吉
錢守讓	錢晦
錢暄	錢彥遠
錢明逸	錢公輔
錢頤	錢褒
錢蘇	錢藻
錢景湛	錢懿
錢卽	錢乙
錢忱	錢填

錢適 錢觀復

錢時敏 錢冰

錢鼎 錢揆

錢可則 錢浩

錢幾 錢周材

錢堯卿 錢端禮

錢僎 錢良臣

錢景持 錢俟

錢之望 錢佃

錢大椿 錢文

錢象祖 錢中之

錢孜 錢文子

錢德謙 錢相

錢時 錢益

錢應高 錢允文

錢散 錢典祖

錢文卿 錢文季

氏族典第一百七十四卷

錢姓部列傳二

宋

錢文敏

按宋史錢若水傳若水父文敏漢青州帥劉休睦為錄事參軍歷長水鄆都尉扶風令相州錄事參軍先是府帥多以筆牘私取官庫錢韓重寶領節制頗仍其弊文敏不從重寶假他事廷責之文敏不為屈太祖嘉其有守授右贊善大夫知瀘州至郡有政迹改

殿中丞三遷司封員外郎又知洛州建昌軍卒年七十二

錢守俊

按宋史錢守俊傳守俊濮州雷澤人少勇鸞書為盜賊澤中稱轉賊鵠周顯德中應募為鐵騎卒早事太祖未初補禁衛軍散員直乾德中轉殿前班都知尋征太原還改東西班指揮使遷馬步軍副都軍頭太平興國四年命率師屯定州以備北邊俄加秩領演州刺史移屯趙州又從征范陽師還追敵戰於徐州斬百千級奪馬百匹雍熙三年命將北征田重進出飛狐道守俊以偏師為援大敗之還掌軍頭引見司淳化三年出為單州團練使又明年改遷齊州時河西蕃部內擾命以副都部署領其地既而徙屯石州數改官時有言守俊病且老握重兵不堪其職召還授左領軍衛大將軍領潘州防禦使權金吾衛伏大中祥符三年卒年八十一守俊累從軍征討前後中三十六創景德中錄其子允慶為奉職弟守信官崇儀副使守榮內閣使

錢弘僎

按十國春秋弘僎文穆王長子歷任靜海軍節度使溫州刺史封琅山侯卒

錢弘僎

按十國春秋弘僎字智仁文穆王第二子本名弘僎性喜簡儉善騎射能書有文而自晦置仕上直副兵馬使檢校尚書右僕射遷東府安撫使洞曉政術吏不敢欺尋為靜海軍節度使判單州事久之改彰武軍節度使知福州事溫人皆行略巷哭曰願公早回

亦有攜家以從者謂之隨使百姓承制累授太尉拜丞相乾德四年卒年五十有四諡節惠

錢弘佑

按十國春秋弘佑文穆王第二子也封西安侯

錢弘佐

按圖繪寶鑑弘佐官至秀州刺史丁於畫藝或言亦文穆王養子

錢弘僊

按十國春秋弘僊字惠遠文穆王第八子也起家內牙諸軍都知兵馬使檢校司空出為湖州刺史明吏術能為詩忠懿王嗣位恭敬尤篤顯德間累授特進檢校太尉宣德軍節度使封吳興郡王建隆初宋勣授同中書門下平章事尋以飲酒過度薨年三十八諡恭義

錢俶

按宋史吳越世家錢俶字文德杭州臨安人本名弘俶以犯宣祖偏諱去之吳越國王元璵之第九子也晉開運中為台州刺史漢乾祐初授東南面兵馬都元帥鎮海鎮東軍節度使開府儀同三司檢校太師兼中書令杭越等州大都督吳越國王賜號聖明廣運同德保定功臣三年江南遣其將查文徽攻福州俶發兵擒文徽獻捷加尚書令周廣順初授諸道兵馬元帥二年授天下兵馬元帥改賜推誠保德安邦致治忠正功臣六月丁母憂起復世宗即位授天下兵馬都元帥顯德六年恭帝嗣位賜崇仁昭德宣忠保慶扶天朔亮功臣建隆元年授天下兵馬大元帥自太祖受命俶貢奉有加常數乾德元年來貢改賜

錢弘儀

承宋保國宣德守道忠正恭順功臣開寶五年改賜開吳鎮越崇文耀武宣德守道功臣七年冬討江南詔以俶為昇州東面招撫制置使八年俶率兵拔常州加守太師江南平論功以俶大將沈承禮孫承祐並為節度使為防禦使者一人刺史六年九月二月俶與其妻孫太子惟濬平江軍節度使孫承祐來朝上遣皇子至雅陽迎勞俶至賜劍履上殿書詔不名以俶妻為吳越國王妃令惟濬齋詔賜之太祖數詔俶與其子惟濬宴射苑中惟諸王預坐每宣諭俶俶拜謝多令內侍掖起俶感泣太祖令俶與太宗秦王叙昆仲之禮俶伏地叩頭涕泣固讓乃止四月令俶歸國太平興國三年三月來朝以所管十三州獻於闕下封淮海國王改賜寧淮鎮海崇文耀武宣德守道功臣雍熙元年改封漢南國王四年春出為武勝軍節度改封南陽國王俶四上表讓國王改封許王端拱元年春徙封鄧王會朝廷遣使賜生辰器幣與使者宴飲至暮有大流星墜正寢前光燭一庭是夕昇卒年六十追封秦國王諡忠懿

錢弘億

按十國春秋弘億字延世文穆王第十子母沈氏初孕文穆王夢僧入寢帳已而生弘億故小字曰和尚天資俊拔善屬文年二十官內牙諸軍左右都虞候檢校左僕射開運間為忠懿王丞相會內牙指揮使斜滔謀亂辭連弘億出為明州刺史頗著善政建隆初升奉國軍節度使檢校太保以名犯宋宣祖諱改名億末年夢金甲神告其死期臥疾三日而終諡康獻

錢弘儀

按十國春秋弘儀文穆王第十一子建隆初避宋諱改名儀起家鎮東軍安撫使乾德時奏授越州觀察使宋太宗即位加金紫光祿大夫檢校太保封開國彭城侯改慎瑞師三州觀察使已又改金州觀察使太平興國四年卒於京師年四十八贈安化軍節度使儀工草書善奕棋皆及上品

錢弘僊

按十國春秋弘僊字贊堯文穆王第十二子也性仁孝事母陳氏以恭勤聞及任衢州刺史為政寬恕厚重民多愛之顯德五年卒年二十五

錢弘仰

按十國春秋弘仰文穆王第十三子善騎射通儒術九精書法累官台州刺史性雖嚴急而政事寬簡吏民畏服卒年二十有四諡成顯

錢儼

按宋史吳越世家儼字誠允儼之異母弟也本名信淳化初改焉幼為沙門及長頗謹慎好學儼襲國封命為鎮東軍安撫副使周顯德四年奏署衢州刺史太祖平揚州儼遣儼入賀賜甚厚開寶三年代兄偁知湖州充宣德軍安撫使俶奉詔攻毗陵命儼督漕運太平興國二年從儼之請授新婦儒等州觀察使仍知湖州儼兄儀為慎瑞師等州觀察使入朝以儼為隨州觀察使儀為金州觀察使儀卒儼換金州未幾出判和州在職十七年咸平六年卒年六十七贈昭化軍節度儼嗜學博涉經史為文辭頗敏速富贍當時國中詞翰多出其手

錢熙

按宋史錢熙傳熙字大雅泉州南安人父居讓陳洪進署清溪令熙幼穎悟及長博貫羣籍善屬文洪進嘉其才將署熙府職辭不就著楚鴈賦以見志尋復辟為巡官專掌機奏洪進歸朝熙不叙舊職舉進士雍熙初攜文謁宰相李昉昉為延譽於朝明年登甲科補虔州觀察推官代還遷殿中丞直史館淳化中參知政事蘇易簡對太宗言趙鄴幾進補唐實錄鄴幾卒家睢陽即命熙乘傳而往盡取其書來上熙嘗與楊徽之言及張洎錢若水將被進用熙與劉昌言同鄉里相親善又語及其事昌言因以語洎洎疑熙交構訴之熙坐削職通判朗州俄徙衡州就改太常博士真宗即位遷右司諫尋通判杭州政多專達為轉運使所奏徙通判越州熙負氣好學善談笑精華札狷躁務進自罷職因憤恚成疾咸平三年卒年四十八于蒙古亦進士及第

錢若水

按宋史錢若水傳若水字澹成一字長卿河南新安人幼聰悟十歲能屬文雍熙中舉進士釋褐同州觀察推官聽決明允郡治賴之淳化初寇進掌選薦若水洎王扶程肅陳充錢熙五人文學高第召試翰林若水最優擢祕書丞直史館歲餘遷右正言知制誥會置理檢院於乾元門外命若水領之俄同知貢舉加屯田員外郎詔詣原鹽等州制置邊事還奏合旨改職方員外郎翰林學士俄知審官院銀臺通進封駁司至道初以右諫議大夫同知樞密院事真宗即位加工部侍郎數月以母老上章求解機務詔不許

若水請益堅遂以本官充集賢院學士判院事詔修太宗實錄俄判吏部流內銓從幸大名陳禦敵安邊之策俄知開封府未幾出知天雄軍兼兵馬部署初若水率眾過河分布軍伍咸有節制深為成將推服是秋又遣巡撫陝西緣邊諸郡令便宜制置邊事還拜鄆州觀察使并代經略使知并州事六年因疾詔歸京師與僚友會食僧舍假寢而卒年四十四贈戶部尚書若水美風神有器識能斷大事事繼母以孝聞雅善談論尤輕財好施所至推誠待物兄若愚比部員外郎

錢若冲

按宋史錢若水傳若水從弟若冲大中祥符中調河陽令有僕醢酒杖之百數僕挾刀夜潛至中斷其臂若冲大呼又害其幼子詔磔僕於其門真宗賜若冲帛三十端補孟州別駕

錢昱

按宋史吳越世家昱字就之忠獻王佐之長子佐薨昱尚幼國人立僭遂以昱為咸軍大安二宮使假嗣國承制授秀州刺史太祖受禪假遷昱入貢及平蜀復來賀歸國為台州刺史假得福州命昱守之王師討江南為東面水陸行營應援使從假入朝授日州刺史昱好學多聚書喜吟詠獻太平興國錄求換臺省官令學士院召試制誥三篇改祕書監判尚書都省出知宋州改工部侍郎歷典壽酒宿三州率無善政至道中以為鄆州團練使咸平二年表入朝以病不及陛見卒年五十七昱善筆札工尺牘然貪穢縱肆無名節可稱生子百數涉雍熙中進士及第絳至

內殿承制開門祇候舉典郡頗以幹力稱

錢郁

按十國春秋郁忠獻王第二子累官鎮東軍節度副使秀州刺史入宋改知全州至太保卒追封西平侯

錢惟治

按宋史吳越世家惟治字和世廢王宗之長子宗初遷於越而惟治生假愛之養為己子幼好讀書八歲授兩浙牙內諸軍指揮使判軍糧管田事又改德化軍使遷檢校太保台州團練使乾德四年四月制授寧遠軍節度檢校太傅王師討江南惟治從假率兵下常州策勦改奉國軍節度假入朝命惟治權發遣軍國事太宗嗣位進檢校太尉太平興國三年假入覲又權國事假既納土惟治與其弟惟演惟顯歸朝至京師改領鎮國軍節度惟治善草隸尤好二王書家藏書帙圖書甚眾雍熙三年大出師征幽州命惟治知真定軍府兼兵馬都部署訓兵享士頗勤政務假薨召還起復檢校太師移病累表請罷節鎮優詔不許惟治既病心恍惚家事不肅咸平初僮奴以姦私殺人於庭事連聞閭閻宗為停按鞠止授右監門衛上將軍其子駕部員外郎丕責授鄆州團練副使晚年頗貧饒景德中其弟惟演獻文上對宰相稱其公王之後能苦心翰墨令記其名因曰錢氏繼世思順子孫可念如聞惟治頗貧乏无可軫惻特轉右武衛上將軍月給奉十萬累加左驍衛上將軍左神武統軍大中祥符七年七月卒年六十六贈太師

錢惟濟

按宋史吳越世家惟濟字禹川假嫡子也裁數歲假

表授鎮海鎮東兩軍節度副大使檢校太保鈴鐺南
浙管内土客諸軍事建隆元年加檢校太傅三年領
建武軍節度乾德初加檢校太尉六年來朝侍郊祀
開寶二年授鎮東等軍節度浙江東西道觀察處置
兩浙制置營田發運等使及大兵征金陵惟濬從父
下毗陵以功加平章事九年隨徽入朝徽先歸留惟
濬居從弟祁祁西洛太宗即位加兼侍中太平興國二
年丁母妃孫氏薨起復加鎮東大將軍右金吾衛大
將軍三年隨徽來朝從惟濬淮南節度是冬郊祀思
加檢校太師從平太原及從征幽薊又從幸大名雍
熙元年郊祀改山南東道節度四年徙鎮安州惟濬
雖再移鎮常留京師端拱初籍田封蕭國公後徽薨
起復加兼中書令淳化初卒年二十七追封邵王諡
安僖

錢惟演

按宋史錢惟演傳惟演字希聖吳越王儼之子也少
補牙門將從徽歸朝為右屯衛將軍歷右神武軍將
軍博學能文辭召試學士院改太僕少卿獻成平聖
政錄命直祿閣留修冊府元龜除尚書司封郎中知
制誥再遷給事中知審官院大中祥符八年為翰林
學士坐私謁事罷之尋還尚書工部侍郎再為學士
會靈觀副使又坐貢舉失實降給事中復工部侍郎
擢樞密副使會靈觀使兼太子賓客更領祥源觀累
遷工部尚書仁宗即位進兵部王曾為相以惟演舊
位會上因拜樞密使初惟演見丁謂惟盛附之與為
婚謂逐寇進惟演與有力焉及序樞密題名獨刊去
華名曰逆準削而不書謂禍既萌惟演慮并得罪遂

擠謂以自解宰相馮拯惡其為人請出之乃罷為鎮
國軍節度觀察留後即日改保大軍節度使知河陽
踰年請入朝加同中書門下平章事判許州天聖七
年改武勝軍節度使明年來朝上言先嵬在洛陽顧
守宮鑰即以判河南府再改泰寧軍節度使惟演雅
意柄用抑鬱不得志及帝耕籍田求侍祠因畱為景
靈宮使太后崩詔還河南惟演不自安請以莊獻明
肅太后莊懿太后並配真宗廟室以希帝意惟演既
與劉美觀又為其子腰娶郭后妹至是又欲與莊懿
太后族為婚御史中丞范諷劾惟演擅議宗廟且與
后家通婚姻落平章事為崇信軍節度使未幾卒特
贈侍中諡文墨其家訴於朝改諡曰思慶曆間子暖
復訴乃改諡曰文僖

錢惟濟

按宋史吳越世家惟濟字巖夫生七歲儼封漢南王
奏補本府元從指揮使歷諸衛將軍領恩州刺史改
東染院使真拜封州刺史其後請試郡命知絳州徙
潞州遷永州團練使改知成德軍仁宗即位加檢校
司空以吉州防禦使畱再任遷虔州觀察使知定州
遷武昌軍節度觀察留後改保靜軍畱後卒贈平江
節度使諡宣惠惟濟有吏幹能戢下而性苛忍所至
率蔓滿獄重囚棄市或斷手足探肝膽用以威衆觀
者召動而惟濟自若也

錢昆
按宋史錢惟演傳惟演從弟昆字裕之舉進士為治
寬簡便民能詩善草隸書累官右諫議大夫以祕書
監卒於家

錢易

按宋史錢惟演傳惟演從弟易字希白始父侖嗣吳
越王為大將胡進思所廢而立其弟儼歸朝羣從
悉補官易與兄昆不見錄遂刻志讀書年十七舉進
士試崇政殿三篇日未中而就言者惡其輕俊特罷
之然自此以才藻知名再舉進士就開封府試第二
自謂當第一為有司所屈乃上書言試朽索之馭六
馬賦意涉譏諷真宗惡其無行降第三明年第二人
中第補濠州團練推官召試中書改光祿寺丞通判
廬州景德中舉賢良方正科策入等除祕書丞通判
信州東封泰山獻殊祥錄改太常博士直集賢院祀
汾陰幸亳州命修車駕所過圖經獻宋雅一篇還尚
書祠部員外郎坐發國子監諸科非其人降監穎州
稅數月召還久之判三司磨勘司擢知制誥判登聞
鼓院糾察在京刑獄累遷左司郎中為翰林學士倖
直未滿卒易才學瞻敏過人數千百言援筆立就又
善尋尺大書行草

錢昭序

按宋史吳越世家儼之羣從台州刺史仰之子昭序
字著明好學喜聚書知通利軍以勤幹聞至如京副
使

錢昭度

按宋史吳越世家儼之羣從衢州刺史偁之子昭度
字九齡至供奉官俊敏工為詩有集十卷

錢延年

按宋史錢若水傳若水子延年甫七歲錄為太常
奉禮郎後以獻文賜進士出身歷太常博士集賢校

理

錢象先

按宋史錢象先傳象先字資元蘇州人進士高第呂夷簡薦爲國子監直講歷權大理少卿度支判官河北江東轉運使召兼天章閣侍講評定一路救成當進勳爵仁宗以象先母老欲慰之獨賜紫章服進待制知審刑院加龍圖閣直學士出知蔡州象先長於經術待選英十餘年有所顧問必依經以對反覆諷諭遂及當世之務徙知河南府陳州復兼侍講知審刑院象先旁通法家說故屢爲刑官條令多所裁定復知許穎陳三州以吏部侍郎致仕卒年八十一

錢丕

按宋史吳越世家惟治子丕字簡之幼好學雍熙中倣上言欲求舉進士太宗以其世家子特召試內署授祕書丞賜金紫累遷駕部郎中嘗知新淦縣又知衡州惟治卒以將作少監起復俄爲三司戶部判官卒於光祿少卿

錢守吉

按宋史吳越世家惟濬子守吉至西京作坊使

錢守讓

按宋史吳越世家惟濬子守讓字希仲以蔭累遷供備庫使天禧四年錄諸國之後加領榮州刺史改東染院使卒守讓頗勤學爲文章退居多閉閣讀書屢獻歌頌眞宗優詔褒獎有集二十卷子恕娶曹王元偁女長安縣主

錢晦

按宋史錢惟演傳惟演子晦字明叔以大理評事娶

獻穆大長公主女累遷東上閣門使貴州團練使勾當三班院羣牧都監授忠州防禦使知河中府改潁州防禦使爲秦鳳路馬步軍總管復還三班院同提舉集禧觀歷霸州防禦使爲羣牧副使卒

錢暄

按宋史錢惟演傳惟演子暄字載陽以父蔭累官駕部郎中知撫州移台州進少府監權鹽鐵副使官制行爲光祿卿出知鄆州拜寶文閣待制卒子景臻尚秦魯國大長公主

錢彥遠

按宋史錢惟演傳惟演從弟易子彥遠字子高以父蔭補太廟齋郎累遷大理寺丞舉進士第以殿中丞爲御史臺推直官通判明州遷太常博士舉賢良方正能直言極諫科擢尚書祠部員外郎知潤州召爲右司諫遷起居舍人直集賢院知諫院數有建明卒於官

錢明逸

按宋史錢惟演傳惟演從弟易子明逸字子飛鏐殿中丞策制科轉太常博士擢右正言首劾范仲淹富弼二人皆罷其夕杜衍亦免相明逸蓋希章得象陳執中意也進同修起居注知制誥擢知諫院爲翰林學士加史館修撰開封府獄吏榜婦人鄭氏墮足死罷爲龍圖閣學士知蔡州歷揚青鄆曹州應天府還判流內銓知通進銀臺司復出知成德軍渭州加端明殿學士知秦州治平初復爲翰林學士神宗立御史論其傾險儉薄傾附賈昌朝夏竦以陷正人乃罷學士久之知永興軍熙寧四年卒年五十七贈

禮部尚書謚修懿

錢公輔

按宋史錢公輔傳公輔字君倚常州武進人少從胡翼之學有召吳中第進士甲科通判越州爲集賢校理同判吏部南曹歷開封府推官戶部判官知明州同修起居注進知制誥英宗卽位陳治平十議王疇爲翰林學士未久擢副樞密公輔謂疇素望淺不草制帝以初政用大臣而公輔格詔諫爲滁州團練使踰年起知廣德軍神宗立拜天章閣待制知鄆州復知制誥入見帝勞苦之使錄十議以進命知諫院王安石雅與之善既得志排異己者出歷南鄆州公輔數於帝前言甫不當去薛向更鹽法安石主其議而公輔謂向當黜遂拂安石意罷職旋出知江寧府明年徙揚州以病乞越改提舉崇福觀年五十二

錢顗

按宋史錢顗傳顗字安道常州無錫人初爲軍海軍節度推官知贛烏程二縣皆以治行聞治平末以金部員外郎爲殿中侍御史裏行許遵議謀殺案問刑名未定而入判大理顗以爲一人偏詞不可以汨天下之法遵所見迂執不可以當刑法之任不從二年而貶後自衢徙秀州家貧母老至丐貸親舊以給朝哺而怡然無謫官之色蘇軾遺以詩有烏府先生鐵作肝之句世因目爲鐵肝御史卒年五十三

錢彥

按泉州府志彥晉江人熙之後也性純孝母喪負土成墓結廬居山形容毀瘠終制方還治平熙寧中郡守徇州人之請聞於朝乞詔試擢用以勵風俗

錢無

按尚友錄餘字出甫以孝義知名居於錢塘門外九里松之間嘗建保閣藏書甚富蘇軾勝曰錢氏書藏仕至直祕閣知荆南府

錢孫

按宋史錢惟演傳字醇老明逸之從子也幼孤刻厲爲學第進士又中賢良方正科爲祕閣校理慈聖后臨朝藻三上書乞還政同修起居注知制誥加樞密直學士知開封府平居樂易無岸岸而居官獨立守繩墨爲政簡靜有條理不肯徇私取顯數求退改翰林侍讀學士知審官東院卒年六十一神宗知其貧賻錢五十萬贈太中大夫

錢景謏

按宋史錢惟演傳景謏景孫之從兄也蘇軾直巡轄兩京馬遞中進士第初赴開封解試因王安石得其文以爲知道者既薦送之又推譽於公卿間自是執弟子禮安石提點府界景謏爲屬主簿又以文薦之執喪居許聞安石得政喜因事來京師謁之間曰青苗助役如何景謏曰利少害多異日必爲民患又問孰爲可用之人曰居喪不交人事而知人尤難事也遂辭出後調官復來安石已作相又往詣之安石欲令治峽路役書且委以戎瀘蠻事界謏曰峽路民情僕固不能知而戎瀘用兵勢朝廷舉動一路生靈休戚顧擇知兵愛人者安石大怒景謏遂與安石絕熙寧末從張景憲辟知瀘州終身爲外官僅至朝請郎而卒

錢無

按宋史錢惟演傳總字穆父彥遠之子也生五歲日誦千言十三歲制舉之業成熙寧三年應試既中祕閣選廷對入等矣會王安石惡孔文仲策選怒罷其科遂不得第以蔭知尉氏縣授流內銓主簿神宗召對將任以清要官安石使弟安禮來見許用爲御史總謝安石知不附已命權鹽鐵判官歷提點京西河北京東刑獄元豐定官制勅方居喪帝於左司郎中格自書其姓名各須終制日授之奉使弔高麗還拜中書舍人元祐初遷給事中以龍圖閣待制知開封府積爲衆所憾出知越州徙瀛州召拜工部侍郎進尚書加龍圖閣直學士復知開封臨事益精哲宗蒞政翰林缺學士章惇三薦林希帝以命總仍兼侍讀惇因是極意排詆諷全臺攻之言不已罷知池州卒於官年六十四元符末追復龍圖閣學士

錢印

按宋史錢惟演傳印字中道吳越王諸孫也第進士爲睦州推官辟鄞縣延幕府崇寧中爲陝西轉運判官王師復銀州轉餉最除直龍圖閣知慶州至鎮築安邊城歸德堡包地萬頃縱耕其中歲得粟數十萬徙知延安府加集賢殿修撰又進徽猷閣待制顯謨閣直學士在延五年童貫宣撫陝西得便宜行事時長安百物賈貴錢幣益輕貫欲力平之計司承望風旨取市價率減什四違者重賞於法民至罷市又行均糴法賤入民粟關內騷然幾於生變即抗章極陳其害貶水州團練副使數月還待制知興仁府徙太原以童貫宣撫本道辭不許居二年以疾提舉洞霄宮復直學士睦寇作起知宣州悉意應軍須貢上其功

進龍圖閣學士貫遂引爲河北河東叅謀以老固辭乃轉正奉大夫致仕卒贈金紫光祿大夫諡忠定

錢乙

按宋史錢乙傳乙字仲陽本吳越王俶支屬祖從北遷遂爲鄆州人父穎善醫然嗜酒喜游一旦東之海上不返乙方三歲母前死姑嫁呂氏哀而收養之長誨之警告乙以家世即泣請往迹尋凡八九反積數歲遂迎父以歸其事呂如事父呂沒無嗣爲收葬行服乙至京師視長公主女疾授翰林醫學皇子病瘳癰乙進黃土湯而愈擢太醫丞乙本有羸疾每自以意治之而後甚因自製藥日夜飲之左手足忽攣不能用喜曰可矣所親登東山得茯苓大踰斗以法嗽之盡由是雖偏廢而風骨悍堅如全人以病免歸不復出末年擊鼎漫劇知不可爲召親戚訣別易衣待盡遂卒年八十二

錢忱

按宋史錢忱傳忱字伯誠吳越王俶五世孫父景孫尚仁宗第十女秦魯國大長公主生忱神宗命賜名除莊宅副使騎都尉伯父總在翰苑因得識一時名卿哲宗愛之常使侍左右徽宗軍八寶恩爲邕州觀察使遷武寧軍觀察爾後喜其靖共除瀘州軍節度使欽宗加檢校少保高宗立復拜檢校少保瀘州節度使中太乙官使進開府儀同三司紹興十五年以秦魯王終喪除少保封榮國公三十年遷少師致仕明年卒年八十餘贈太師

錢垺

按萬姓統譜垺字深雲祖億宋初判明州子孫遂家

於鄞墳世居東錢湖之里讀書尚節樂不事後靡晚年別築一室植松竹以自况日與同里高友文談論經史得一善則佩服不忘鄉人敬慕之

錢遜

按萬姓統譜通浦江人徽宗時爲御史中丞累工部尚書大觀間以顯謨閣直學士領祠家居築三湖蓄水以利鄉人民多德之歿贈大中大夫

錢觀復

按蘇州府志觀復字知原常熟人政和五年進士教授瑞安調湖州戶曹授衢州判官除戶部員外郎出知廣德軍觀復深於易急於爲義鄉里推之號正靜居士有文集十五卷論語解二十卷

錢特敏

按萬姓統譜時敏溧陽人少聰明讀書一覽成誦屬文敏速登政和辛卯第擢大理寺丞國有禮制皆令掌之累官至敷文閣待制

錢冰

按杭州府志冰宣和中令昌化多政績重建縣治置雙溪館其後昌邑人凌康德著唐山紀事有美政思錢冰之句

錢骨

按萬姓統譜骨歙人與弟齊讀書尚氣槩宣和中方臘餘寇尚熾骨兄弟起鄉兵勦平之建炎三年金人入寇骨兄弟引入逆戰敗之功聞並補承信郎

錢揆

按登州府志揆字舜臣吳越王錢鏐之後也仕宋爲上柱國吳興郡開國侯嘗知楚丘遂家於曹有子十

人皆登顯仕

錢可則

按萬姓統譜可則字正己天台人知睦州二年秋七月浙右大水粟價騰湧可則亟發廩賑之諭俗儲蓄運糴移檄傍郡弛糴禁平市價民以全活

錢浩

按萬姓統譜浩字仲伯海陵人翰林學士之孫也事親孝家貧而甘旨獨豐母病藥必嘗而進居喪哀毀骨立悲動鄰里廬墓三年誦佛書

錢幾

按萬姓統譜幾字君憑長興人游心儒術恬淡無求屢徵不起有詩集三卷

錢周材

按溧陽縣志周材字元英七歲善屬文舉鄉試第一建炎戊申進士累官修撰侍講出知常州奉祠孝宗登極以舊學召對便殿畱奉內祠後直學士院丁母憂服闋屢起不就乾道初卒

錢堯卿

按尚友錄堯卿字熙載樂清人吳越王七世孫年數歲居父喪如成人廬墓終制遂以孝稱母卒哀毀過禮水漿三日不入口屏聲色却滋味者三年人以爲難閭族同居三十餘年並無間言歲歉捐穀價以濟饑民不能值者焚其券紹興間詔舉孝廉郡以名上未幾卒紹興中旌表其閭

錢端禮

按宋史錢端禮傳端禮字處和臨安府臨安人父沆潼川軍節度使端禮以恩補官紹興間通判明州加

直祿閣累遷右文殿修撰仕外服有聲高宗材之知臨安府御史中丞汪澈論版曹開官當遴選樞戶部侍郎兼樞密都承旨孝宗銳意恢復詔張浚出師會符離稍失利湯思退遂倡和議端禮奏有用兵之名無用兵之實實怨生事無益於國思退大喜奏除戶部侍郎浚方主戰上意其邪之思退詭求去端禮請對乞留於是思退復留命浚行邊還戍兵罷招納以端禮允准東宣諭使端禮至淮還極言守備疎略恐召金兵宜早定和議遂除吏部侍郎再在淮上金師僕散忠義分兵入上令思退都督江淮軍馬端禮試兵部尚書奏費軍事赴闕衆戶部尚書俄拜端明殿學士簽書樞密院事兼權知政事及和議既定乞降詔除衆知政事兼權知樞密院事時久不置相端禮以首務閣相位甚急皇長子鄂王夫人端禮女也殿中侍御史唐堯封論端禮帝姻不可任執政不報還太常少卿鄂王立爲太子端禮引雄除資政殿大學士提舉德壽宮兼侍讀改提舉洞霄宮起知學國府移紹興進觀文殿學士端禮籍人財產至六十萬緡有詣闕陳訴者上聞之與舊祠侍御史范仲卨劾端禮貪墨不悛降職一等淳熙四年八月復元職薨贈銀青光祿大夫後諡忠肅

錢俛

按尚友錄俛字惟大紹興二十一年進士授泰州教官入爲太學正除宗正簿太府丞宗正丞知袁州除祕書省著作佐郎將作少監出爲福建路提舉終朝請即卒年六十六於書無所不讀尤精於易有文集五卷諸經講解十卷易說三卷

錢良臣

按萬姓統譜良臣華亭人幼志學年十九陞太學給興中舉進士累官至叅知政事德望甚著事新郡學舊祠於西廡

錢景持

按萬姓統譜景持仰桃源縣時鍾相犯城景持與鍾力戰遂為所殺事平後贈二官

錢俟

按萬姓統譜俟字廷碩吳人終福建提舉舉嗜好惟藏書數千卷朱墨精謹皆所親授尤邃於易

錢之望

按武進縣志之望字表臣少放達喜奇計逆亮闖江以策干虞允文允文用其策亮果殞待離之敗遁謁張忠獻浚請出邊進使敵疲於奔命大功可立浚不從乾道五年登進士第授江西帥屬賴文政猖獗鋒甚銳參政錢茂良薦之望可任遂停文政除金部郎官知楚州募勇士五百躬自訓閱敵不敢近大奚山盜起除祕閣修撰知廣州盜以舟師指城民大恐之望麾軍奮擊破之陞華文閣待制知廬州卒

錢佃

按蘇州府志親復子佃字仲耕以進士為分水尉除諸王宮大小學教授通判太平州乾道七年詔皇太子領臨安尹慎擇僚案佃自外任遷為推官擢吏部郎中對便殿言三事上稱善累遷吏兵工三部侍郎出為江西路轉運副使繼使福建再使江西淳熙八年婺州飢且缺守上曰錢佃可守郡佃忠信篤厚隣政不求赫赫聲官至中奉大夫祕閣修撰有易解三

十卷詞科類要二十卷文集二十卷

錢大椿

按萬姓統譜大椿淳安人穎敏好學登乾道八年進士第累官轉漳浦丞不事苛刻有豈弟風秩滿民惜其去乃遷縣令

錢文

按萬姓統譜文字文叔吳越王裔居崇德州錢里第進士尉當塗有捕獲功例得進秩力辭之知萬載縣有異政趙汝愚薦可大用不果除知循州興學校重風俗愷悌宜民三載報治文為人言溫氣和所居不蔽風雨饘粥不給晏如也

錢象祖

按萬姓統譜象祖錢塘人五世祖璵以嘉祐八年知撫州為政平允淳熙十三年象祖繼知撫州修郡學製祭器出帑賑貧民於祖廕有光焉嘉定初拜左丞相

錢中之

按萬姓統譜中之淳熙間以直敷文閣為運司判官修復陳公塘人皆賴其利又嘗建廣惠倉皆仁政之推也

錢孜

按萬姓統譜孜嘉禾人淳熙四年為昌化令興舉學校與錢水十國齊名

錢文子

按萬姓統譜文子字文季樂清人篤學明經為儒林巨擘入太學月書季考每占高等紹熙壬子以兩優釋褐授職官其後把麾持節皆以循良介特著稱擢

宗正少卿

錢德謙

按萬姓統譜德謙字牧仲晉江人褒之孫登慶元二年進士知無錫縣多豪右以法裁之諸司號強項令竟罷復知華亭縣治益有聲擢諸司料院召為祕書郎遷丞除崇政殿說書知建寧府卒贈朝議大夫

錢相

按武進縣志相字君玉登嘉定戊辰第初任如皋簿改宰樂平倅臨漳真德秀薦之遷國子簿宗學博士未踰月遷監察御史有直聲累陞給事中吏部侍郎嘉熙辛丑同典貢舉歷兵禮吏三部尚書以親老丐歸除閣學知婺州辭不就

錢時

按宋史楊簡傳簡門人錢時字子是淳安人幼奇偉不羣讀書不為世儒之習以易冠漕司既而絕意科舉究明理學江東提刑袁甫作象山書院招主講席學者興起政事多所裨益郡守及新安紹興守皆厚禮延請開講郡庠其學大抵發明人心論議宏偉指擿痛決聞者皆有得焉丞相喬行簡知其賢特薦之朝授祕閣校勘未幾出佐浙東倉幕太史李心傳奏召史館檢閱轉對數陳剴切皆聖賢之精微旋以國史宏綱未畢求去授江東帥屬歸其書有周易釋傳尚書演義學詩管見春秋大旨四書管見兩漢筆記蜀阜集冠昏記百行冠冕集寶祐間守李鏞祠於學

錢益

按廣東通志益東莞人登淳祐元年進士性剛介不可干以私歷廉州鹽官調靜江府食判薦改贛州典

國縣時峒寇連年剽掠益至請兵躬往勦捕掃其巢穴民賴以安

錢應高

按溧陽縣志應高登景定三年進士元陷建康趙淮被執宿其家翼日即北行應高追送至江口聞淮瓜州之變憤不食至荆溪赴水死

錢允文

按萬姓統譜允文號竹間從季父融堂先生遊研精義理尤善屬文登咸淳元年進士第歷武岡令嚴而愛敏而不苛權豪有所犯執法不少貸由是強猾斂避姪端宗領鄉薦主嘉定學教有安定遺風焉

錢猷

按尚友錄猷溧陽人居父憂有少年數人來曰而父負吾金數百萬猷與之不吝夜有盜入猷知之呼與一白金使速去終不語人後其子至顯官人以爲陰德之報

錢興祖

按紹興府志興祖字國材上虞人少類成人長探理學母疾二年竭力致養及終食不能葬孺子泣者五年既葬白烏千百集墓木上大鵲馴擾墓旁卒百日而後去

錢文卿

按萬姓統譜文卿樂清人方數歲執父喪如成人時三舍法行文卿方冠領郡學正諸生肅然欽之奉母居白石山閨族同居三十餘年無間言

錢文季

按萬姓統譜文季樂清人爲成都漕運判官善屬文

義士楊巨源死於非命文季爲作哀詞蜀人高之終宗正少卿

欽定古今圖書集成明倫彙編氏族典

第二百七十五卷目錄

錢姓部列傳二

元

錢璧

錢好德

錢全京

錢惟善

明

錢瑛

錢用壬

錢辛

錢唐

錢勉

錢迪

錢清

錢旭

錢遠

錢本中

錢古訓

錢時

錢仲益

錢遜

錢鈞

錢芹

錢魯南

錢習禮

錢貴

錢浩

錢魚

錢道覃

錢博

錢欽

錢茂律

錢溥

錢昌

錢榮

錢謝

錢雄

錢昕

錢山

錢能

錢承宗

錢福

錢鉞

錢瓚

錢仁夫



錢如京

錢宏

錢琦

錢寧

錢鐸

錢木

錢維垣

錢德洪

錢樞

錢敬

錢礫

錢璠

錢錚

錢浦

錢泮

錢鯨

錢崑

錢騰蛟

錢春沂

錢穀

錢百川

錢紳

錢貢

錢輿暎

錢端暎

錢輔

錢學孔

錢天挺

錢繼科

錢立

錢一本

錢大復

錢養廉

錢養庶

錢養度

錢檀

錢世楨

錢桓

錢象坤

錢策

錢春

錢龍錫

錢應元

錢獻卿

錢天引

錢吾德

錢士龍

錢繼登

錢志立

錢夢得

錢士升

錢敬忠

按松江府志璧郡人端重清慎至治壬申科進士嘗納一女奴其妻勸璧納爲妾正色答曰我置此欲以侍巾櫛耳即具資嫁之果處子也陶宗儀早歲嘗從受業終身尊事之

錢璧

元

氏族典第一百七十五卷
錢姓部列傳三

錢萬選

錢萱

錢同文

錢孔芳

錢崙

錢自期

錢輅

錢積中

錢應妻

錢嘉徵

錢千秋

錢天錫

錢守成

錢受益

錢銓

錢仁友

錢潤徵

錢守廉

錢萬選

錢照

錢祚徵

錢肅棠

錢朝彥

錢爾登

錢鎮

錢國佐

錢珍

錢元道

錢喜起

錢養士

錢瑜

按江西通志好德吉水人元季群盜起好德父勇略過人保障其鄉群盜謀必殺之好德曰賊所忌者吾父也遂奮身當之盜執好德去日加榜箠終不言其父之所在賊怒將殺之左右曰此孝子也殺孝子不祥遂釋之

錢全衰

按萬姓統譜全衰華亭人通涉書史元末張氏據吳誓不爲用杜門著書有韻府羣玉掇遺續松江府志

錢惟善

按明外史楊維禎傳維禎山陰人徙松江時與華亭陸居仁及僑居錢惟善相唱和惟善字思復錢塘人至正元年省試羅利江賦時鎖院三千人獨惟善据枚乘七發辨錢塘江爲曲江由是得名號曲江居士官副提舉張士誠據吳遂不仕既歿與維禎居仁同葬于山人目爲三高士墓

明

錢瑛

按明外史錢瑛傳瑛字可大吉水人祖本和以篤行稱瑛生八月而孤年十三能應秋試元末大亂奉祖及母避難歷五六年最後遇賊縛本和瑛奔救并縛之本和哀告貴其孫瑛亦泣請代不已賊憐而兩釋之是時其母亦被執妻張氏從伏莽中窺見即趨出謂賊曰姑老矣請釋而縛我賊見其年少從之既就縛擲袖中鞵與姑訣曰婦無用此矣且行且脫姑稍遠即罵賊不肯行賊持之急罵益厲賊怒攢刃刺殺之事定有司知瑛賢凡三薦並以親老辭子遂志中進士官山東僉事

錢用壬

按明外史崔亮傳錢用壬字成夫廣德人元南榜進士第一授翰林院編修出使張士誠國爲行省左右司郎中參張士信軍事於淮安進行省參政鎮淮徐邳三州淮揚歸附授按察司副使尋遷中書省參議吳元年改御史臺經歷預定律令洪武元年分建六部官以用壬爲禮部尚書是多用壬請告羣妻于居湖州

錢宰

按明外史宋訥傳錢宰字子予會稽人吳越武肅王十四世孫至正間中甲科親老不仕洪武二年徵爲國子助教居數年乞休進國子博士賜教遺歸二十七年帝觀蔡氏書傳象緯運行與朱子詩傳相悖其他註與鄧陽鄧季友所論有未安者徵宿儒訂正之兵部尚書唐鐸舉宰書成令馳驛歸卒年九十六

錢唐

按明外史錢唐傳唐字惟明象山人博學敦行洪武元年舉明經對策稱旨特授刑部尚書二年詔孔廟春秋釋奠止行於曲阜天下不必遍祀唐伏闕上疏言禮不可廢帝不聽久之乃用其言帝嘗覽孟子至草芥寇讎語謂非臣子所宜言議罷其配享唐抗疏入諫其後配享旋復唐爲人彊直謫壽州卒

錢甦

按萬姓統譜甦字甦生常熟人洪武初詔募召祭幼主文甦撰有云朕之得復吾中國之固有汝之失棄其乃從所本無稱旨召見欲官之以老辭後坐事當刑子代之故易名

錢迪

按萬姓統譜迪廕生之子性聰明未冠若老成人洪武初父坐事當刑迪慨然詣執政求以身代所司上其事許之死時年甫十八廕生得優老而終從孫完感其全祖之孝爲立特祠以祀之

錢清

按池州府志清字公清涇僑好義繕術數元末兵興集義旅衛鄉邑大將軍常遇春遣院判趙忠下青陽清率衆歸命授寧夏衛正千戶後擢萊州衛指揮使吳元年調征張士誠戰不利獨挺身格鬪遂死於陣

錢旭

按廣東通志旭字朝陽初爲南雄路總管國初詔始歸附郡民請於元帥常遇春曰得錢總管守韶韶安堵矣從之時英德尚規化旭加意撫綏恩威並著遐邇率從時方草創營建頗興而民不擾

錢達

按萬姓統譜達字伯行吳縣人刻意力學年四十猶無宦情至正間聘爲右司都事洪武初選詣太常議禮爲人淳厚雅飭稽古考訂雖老不倦篆隸行楷書追古人好處

錢本中

按萬姓統譜本中字文德武進人洪武初以才能薦知吉水縣小民爲强豪侵奪哨聚山谷間爲盜事聞遣帥調兵勦之本中詣主帥懇告殺兵單騎直抵其壘示以恩信衆乃歸命活數萬人後調知樂安以註誤去官吉水胡廣時爲學士奏請復舊任驛召至京仍命知吉水

錢古訓

按浙江通志古訓字古訓餘姚人洪武甲戌進士調行人是時鎮南緬甸血釐川相構古訓持勅往諭至則宣朝廷威德罷其兵後知濟郡以文章飾史事尋改湖廣叅議

錢時

按安慶府志時字時中桐城人洪武間舉人任刑部主事執法不阿同部郎白李善長之寃上怒連坐死獄

錢仲益

按無錫縣志仲益名永昇以字行武肅王後居戈村族屬甚盛稱為湖頭錢氏洪武中舉明經為本縣訓導擢太常博士預修高祖實錄進翰林修撰後為王府長史雅好恭待詔禁垣成祖嘗呼為某仙自號錦樹山人年八十一卒官

錢遜

按萬姓統譜遜字謙伯性至孝母病侍湯藥久不怠及卒廬墓終喪洪武中薦授軍夏水利提舉修河防實邊餉既還征南大將軍都督何福奏遜奉侍元戎贊理有大功為一方保障會陝西按察副使宋理上言遜功不可忘當序進以旌其賢遂拜孟津知縣益盡心民事坐累謫戍交南復以薦對策稱曰授文昌主簿遜狀貌魁梧言行詳定夷險一節雖歷變卒能以功名終素工詩有遜齋集二十卷

錢鈞

按嘉興府志鈞字志衡洪武中以明經授本府學司訓廣東叅議喻良奉命治水甫按郡即與鈞議求水

利籌畫頗多後以疾辭扁舟放浪雲水間自號小西湖漁者聘至京卒有半隱集

錢芹

按明外史姚善傳善知蘇州府好折節下士敬禮隱士錢芹輩以月朔會學宮迎芹上座讀質經義芹曰此非今所急也善悚然起問芹乃出一冊書授善遂去視之皆守禦策時燕兵已南下善薦芹於朝署行軍斷事芹字繼忠少好奇節元末干諸將不遇洪武初辟大都督府掾從中山王出北平至大漠還解職家居二十年甘貧樂道以善薦起從李景隆北行遣入奏事道病卒年七十三福王時贈光祿少卿

錢魯南

按江西通志魯南廣德州人洪武三十三年知東鄉時兵戈雖息然邑多巨族驕悍如故魯南律已無私躬勤儉敦禮義以倡之民懷其德彬彬向化

錢習禮

按明外史錢習禮傳習禮名幹以字行吉水人永樂七年會試時帝出征九年始殿試選庶吉士尋授檢討仁宗即位遷侍讀知制誥宣德中進侍讀學士英宗開經筵為講官宣宗實錄成擢學士掌院事正統九年乞致仕不許禮部侍郎缺特旨命習禮力辭不允王振用事達官多造其門習禮恥為屈復上章乞骸骨許之習禮篤行誼好古秉禮動有矩則文章論議為士類所宗家居十五年卒年八十有九諡文肅

錢貴

按明外史錢貴傳貴海州人英宗睿皇后父也祖整

從成祖起兵為燕山護衛副千戶父通嗣職官至金吾右衛指揮使貴嗣祖職數從成祖宣宗北征屢遷都指揮僉事正統七年后將正位中宮擢貴中府都督同知英宗數欲封之后輒遜謝故不獲封卒

錢浩

按萬姓統譜浩華亭人宣德間知縣事愷悌文雅抑豪強伸枉滯斷獄平反皆得其情里胥應役有程度吏莫敢羈停之者治為一時之最

錢奐

按萬姓統譜奐字文煥鄆人正統丙辰進士授戶科給事陞廣西叅政潯州老藍寇起以單騎諭平之尋陞湖廣左布政使服闋補廣西時都御史韓雍征大藤峽會歲侵以軍餉為憂奐措置得宜上下充給凡所俘擄九極詳獻得活者甚眾立請致仕

錢道寧

按安慶府志道寧望江人正統二年舉明經除福建順昌令時大寇鄧茂七攻邑道寧集民兵境屢戰却賊當道上其功命未下而卒立廟祀之

錢博

按松江府志博字原博正統辛酉應天解元乙丑進士授南京刑部主事獄疫博素知醫手調藥治之因賴以全進員外郎中擢四川按察克振風紀搆蜚語被逮事白復官南還大魯橋卒在刑曹前後十餘年多所全活工古文詞善楷書行草旁通醫卜陰陽諸書好急人患難人樂與交焉

錢欽

按明外史錢貴傳貴子欽為錦衣衛指揮使與弟鍾

俱歿於土木

錢茂律

按陝西通志茂律字大呂臨海人舉人景泰初年守同州志趣高潔才華穎敏治持大體政清澤洽增設學舍至百八十楹士民頌悅嘗勒居官箴於石人以此甘棠云

錢溥

按萬姓統譜溥華亭人天順進士歷官學士禮部尚書諡文通

錢昌

按萬姓統譜昌字允言吳人威儀端重言動不苟人多敬憚其爲詩至老弗倦名著三吳與武功徐有貞學士錢溥食憲劉莊大叅祝先生惟清輩結吟社交所著有未齋集行於世

錢槩

按萬姓統譜槩字宗節慈谿人敦本尚行讀書必究大旨不務枝葉從游者履滿其戶恬於丘壑應選貢司訓常州大振師模論議必根典常遷定典教諭立教一如常兩學士多化之槩少孤事母極孝每先意承順伯氏早世嫁其孤女仲氏死於溺爲恤其孤人以淳德歸之

錢澍

按湖廣通志澍金壇人天順中自給事中出守長沙公正御下寬恕近民奸不能欺獄無留滯修文廟建尊經閣及賈誼李希長沙諸先賢祠

錢雄

按明外史錢貴傳貴子欽與弟鍾歿於土木欽無子

鍾遺腹子雄爲之後年幼以父錦衣故秩祿優給天順改元擢本衛都指揮使尋擢都督同知成化時卒

錢昕

按萬姓統譜昕迪孫常熟人成化間知永州事處已嚴介蒞政精勤平賦役審獄訟作興士類人皆感勵尋陞參政去之日士民遮道送之至今嘆慕

錢山

按萬姓統譜山字靜夫成化丙戌進士拜監察御史陞浙江僉事築海岸以禦民患發陳粟以濟被溺之民活死者數千陞本司副使持憲得大體以廉介自持年老致政囊蕭然爲士林所推重

錢能

按明外史錢能傳能梁芳黨也憲宗時鄭忠鎮貴州韋朗鎮遼東能鎮雲南並恣縱而能尤橫貴州巡撫陳宣請撤諸鎮監而雲南巡按御史郭陽陽上疏書能請留之雲南雲南與安南接壤舊制安南貢道出廣西後請改由雲南弗許也能詐言安南捕盜兵入境請遣指揮使郭景往諭其王詭從之能遂令景由雲南入以玉帶綵繪犬馬屬景遇王安南報能禮甚厚景又給其貢使改道雲南能復遣景與指揮應安等往干崖孟密諸土司索貨實至逼淫暴弄女孫朝廷未之知也後三年事發詔巡撫都御史王恕廉之恕劾能再遣刑部郎中鍾善往按事實帝有能而命致其黨九人於法時巡按御史魏希賢復劾能擅杖千戶死帝以恕故不得已召能歸安置南京其後恕爲南京參贊尚書能復賣緣得同守備然心憚恕訖不敢肆久之卒

錢承宗

按明外史錢貴傳貴子欽欽子雄雄子承宗屢官錦衣都指揮使弘治二年承宗祖母王氏援憲宗外家王氏例請封乃封承宗安昌伯世襲嘉靖五年卒諡榮偉子維圻嗣

錢福

按萬姓統譜福字與謙華亭人弘治三年進士第一歷官翰林修撰

錢鉞

按萬姓統譜鉞弘治初任浙江按察使持己廉正御事明決振肅祀綱敷施德惠尋陞都御史巡撫山東河南十二年黃苗寇擾復巡撫貴州選將練兵豐儲組疊遣神廉察果魁巢穴皆捕之邊處以寧

錢瑣

按寧波府志瑣方伯奐之子字廷祐幼端毅無執綺習弘治己未進士官終廣西按察副使初令潛山風移俗易御史劉淮以青陽獷悍繁劇調瑣治青陽在秋曹善決疑獄不爲權勢屈治溲治粵政化大行及歸田囊無長物因自號括菴

錢仁夫

按江南通志仁夫號東湖常熟人弘治己未進士歷官工部員外幼聞性理之學好著書負詩文重望學者稱東湖先生會遊瑾竊政遂致仕親沒常撫其遺物以泣與弟信夫友愛氣廣義倉以贍族人子孫聚族居之曾孫永齡以能書名

錢珊

按咸寧縣志珊號鶴汀中弘治辛酉鄉科任四川崇

寧知縣執法廉平丁艱歸補廣東增城縣田不增畝屋未增椽誠古清白吏也

錢鑑

按嘉定縣志錢其先常熟人世敦孝友耕讀爲事至鑑見常邑人情澆薄遂遷居嘉邑居城西之外園鎮幼聰穎長益好學博涉經史於書無所不窺弘治間屢試不遇遂絕意進取以詩酒自娛秉性仁慈好施予周貧乏時遇歲荒傾家出粟煮粥賑饑全活甚衆閭里之人莫不重其行誼

錢知京

按安慶府志如京字公溥桐城人弘治間進士選監察御史陞副使兵備天津時武宗南巡經費不擾時論避之累擢至右副都憲巡撫保定等府轉兵部左侍郎大同兵變如京協贊籌畫有功兼左副都御史提督兩廣軍務陞南戶部尚書改刑部因病乞致卒加太子少保如京端嚴寬厚平居恂恂不見喜愠色臨大事決大疑片言中理雖位至六卿接親友宗族樂易款洽如未貴時焉

錢宏

按浙江通志宏字可容錢塘人正德戊辰進士授刑部主事獻獄明慎陞山東參事巨寇王堂趙志劫掠宏督兵擒滅之擢副使進副都御史治兵南贛簡閱兵備節財裕民宏爲人孝友歲租所入分建姻黨人高其義

錢琦

按萬姓統譜琦字君長海鹽人正德三年進士授肝胎知縣流賊入境琦竭力戰守邑賴以全歷任刑部

郎中陞臨江知府德政懋著以守己忤俗調思南尋請老歸教子姪相繼登第義聞於鄉族卒年八十二

錢寧

按明外史錢寧傳寧不知所出或云鎮安人幼警太監錢能家能變之冒錢姓能死推恩家人得爲錦衣百戶正德初曲事劉瑾得幸於帝性褻狎又善射賜國姓爲義子陞錦衣千戶瑾敗以計免歷指揮使掌南鎮撫司累遷左都督掌錦衣衛事典詔獄言無不聽其名刺自稱皇庶子勢熾中外子未安六歲爲都督養子錢傑錢靖等俱冒國姓授錦衣衛官念富貴已極帝無子思結強藩自全爲寧王宸濠營復護衛又遣人往宸濠所謂帝星已明王有異相事必成凡宸濠所遣私人行賄京師皆主伶人臧賢家由寧以達帝左右宸濠反帝心疑寧寧懼歸罪賢謫戍邊行未百里使校僞爲盜殺賢以滅口冀得自全然卒中江彬計使董星店役彬在道盡白其通逆狀帝遂羈車席帝還京裸縛寧籍其家得玉帶二千五百束黃金十餘萬兩白金三千箱胡椒數千石世宗卽位磔寧於市養子傑等十一人皆斬于未安幼免死妻姜發功臣家爲奴

錢鐸

按揚州府志鐸字振之海門人正德辛巳進士嘉靖初修武廟實錄授刑部山東司主事申諫大禮杖闕下丁亥進四川司員外郎出爲肇慶知府改學校倡文教興革悉當民情已補鄖陽擢廣西按察副使備兵府江設護兵造哨船建營房生縛賊首梁明鏡輩往來者稱坦途焉以性剛直取忌中蜚語罷

錢木

按萬姓統譜木海鹽人由進士嘉靖二年任威縣令博學有文詞下車道以禮義興教化創名宦鄉賢二祠以崇先哲風後進建洛陽書院置射圃亭以振作士類人文彬彬然矣至於均田糧以平民賦開街渠以便民官必務爲久遠之計而不爲近圖以是士民孚服且慨文獻之不足徵而威之有志實自木始也後擢官工部主事卒其祠於鄉也以居官清苦稱先令內黃有德政黃人亦入祀於名宦云

錢維垣

按明外史錢貴傳貴子欽欽子雄雄子承宗封安昌伯嘉靖五年卒子維圻嗣尋卒承宗母請以庶長子維垣嗣詔授錦衣衛指揮使已又請嗣伯爵世宗以外戚世封非祖制下廷臣議八年十月上議曰祖宗之制非軍功不封其餘外戚恩封襲者宜終其身母得請襲世宗俞其議維垣遂不得襲以錦衣終

錢德洪

按明外史王守仁傳錢德洪名寬字德洪後以字行改字洪甫餘姚人王守仁自尙書歸里德洪偕數十人共學焉嘉靖五年舉會試徑歸七年赴廷試聞守仁訃乃奔喪歸築室於塲以終心喪十一年始成進士累官刑部郎中郭勛下詔獄移部定罪德洪據獄詞論死廷臣欲坐以不軌言德洪不習刑名而帝雅不欲助死因言官疏下德洪詔獄久之斥爲民德洪既廢遂周遊四方號召同志與論長知學所至迎謁恐後穆宗立復官進階朝列大夫致仕神宗嗣位復進一階卒年七十九學者稱緒山先生

錢梗

按萬姓統譜梗字世林山陰人嘉靖丙戌進士絕意仕進詩酒優游以卒

錢薇

按明外史錢薇傳薇字懋垣海鹽人嘉靖十一年舉進士官行人泊然自守擢禮科給事中進右給事中因星變極言主德之失帝深銜之已又疏諫南巡坐奪俸內閣夏言輩所選官僚多以徇私劾罷薇偕同官乞如會推故事集內閣九卿公舉帝挾前憾斥爲民累薦皆報寢集鄉里晚進與講學足跡不及公府倭患起請於巡撫集兵爲備鄉人德之卒年五十三隆慶初贈太常少卿

錢業

按揚州府志業字君望通州人嘉靖壬辰進士授撫州府推官外艱服闋補永平擢監察御史巡視居庸紫荊倒馬龍泉諸關尋按廣西甲辰出爲建寧知府陞廣東按察副使以平黎功陞浙江參政以病歸卒

錢璠

按萬姓統譜璠常熟人由舉人嘉靖十二年令奉化臨民一以忠誠絕無炫飾秋毫不取於民在任六年妻未嘗自隨士論甚潔之尤畱民心瘼惠利久遠載德彝死建文之難未有表章璠創爲之祠扁曰顯忠手製祀文極其激烈尤畱心書史以資仕學所著有五經旁註續古文會編詩韻釋義

錢鐸

按明外史王鈇傳倭掠江陰知縣錢鐸死之詔贈光祿少卿世廕錦衣百戶鐸字鳴叔鍾祥人嘉靖二十

九年進士初授官倭已熾三十三年入犯鄉民奔入

城者萬計兵備道王從古不納鐸曰民死不救守空城奚爲遂開門縱入而身自搏戰於斜橋三戰却之明年賊據蔡涇開分衆犯塘頭鐸提兵戰九里山薄暮雷雨大作伏四起狼兵悉奔鐸戰死

錢浦

按嘉定縣志浦字北郊鑑之子賦性剛直嚴介自持里中有不孝不弟者必親至其家深加督責親黨有勃谿之爭者相戒勿使錢浦知之時方之王彥方陣仲弓云嘉靖三十三年邑遭倭難浦散家財募勇士保障一方得免屠戮撫按旌萬曆三十二年卒年八十有三

錢泮

按明外史王鈇傳鈇常熟知縣倭患起鈇率士卒禦禦却之時邑人錢泮字鳴聲以江西參政里居忿倭熱其父樞從鈇城守有功及倭掠旁縣方舟由尚湖還海鈇憤曰賊尚敢涉吾地耶必擊殺之泮亦力從史乃用小艇數十躡倭倭夾擊之泮被數槍殺三賊而死時嘉靖三十四年五月也詔贈光祿卿世廕錦衣百戶遣官諭祭立祠死所歲時奉祀

錢鯨

按萬姓統譜鯨字叔鳴慈谿人嘉靖丁未進士任御史奉命出按徽寧自家發程迨遇倭賊被害贈少卿

錢崑

按寧波府志瓚長子崑嘉靖壬子舉人知信豐縣航左氏春秋及大學衍義政治率本於是故信豐多純政

錢騰蛟

按浙江通志騰蛟字子雨別號雲川仁和人嘉靖壬子舉於鄉孝友出天性慮虧溫養乞罷闕海前後兩攝邑篆擢知磁州徙海州忤旨削左遷潯安別駕會西寇告警大中丞素知騰蛟才使屬兵治餉寇望風遁去上嘉其績將大用騰蛟決志投簪所著有歸田集

錢春沂

按嘉定縣志春沂字仲與學者稱爲一菴先生爲人孝友信義篤於濟物父被冤繫春沂以諸生慷慨上陳出其父於獄中舉嘉靖甲子鄉試任德化令樞吏以羨餘進春沂卻不受久之苦折腰詣上官求歸上官愛重之弗許遂書林下清風四字置諸馬首而去歸鄉優游詩酒者二十年

錢敘

按明外史文徵明傳徵明主風雅數十年與之遊者錢敘之屬亦皆以詞翰名於世敘字叔實以畫繼徵明表表吳中者也

錢百川

按萬姓統譜百川字東之無錫人少豪邁不羈資稟聰慧弱冠學琵琶半日度四十曲人以爲神解既長好讀書不習舉業詞賦宗陳白沙有寒齋狂稿

錢紳

按萬姓統譜紳字孟書吳人少讀書修行與陳檢討繼連居一時名流各以所能更互辨難後領鄉薦授本府儒學訓導陞教諭平生無世情與人無嘩嘩家藏書甚富